

# Akiitsut allagartaat pillugit Kalallit Nunaannut inatsimmut nalunaarut

Matumuuna saqqummiunneqarpoq akiitsut allagartaat pillugit inatsit, pigisat pillugit inatsisit aalajangersimasut il.il. pillugit Kalaallit Nunaannut atortuulersinneqartoq inatsimmi nr. 104 marsip 31-anni 1965-imeersumi § 1, nr. 9-kkut allannguutit peqqussutikkut nr. 586 novembarip 19-ianni 1973-imit kingunerusut aamma peqqussut nr. 350 juulip 14-ianni 1980-ikkut.

## Kapitali 1

### *Aalajangersakkat ataatsimoorutaasut*

§ 1. Akiitsut allagartaannik atulersitsisup taamaaliormigut avaqqutinngilaa akiitsut allagartaannik atulersitsinermut tunngasumik inatsisitigut pissutsit pillugit akerliulluni nalunaarnerit, imaassimanngippat allatigut isumaqatigiissuteqartoqarsimasoq imaluunniit pissutsit immikkut ittut kingunerannik pisoqarsimasoq.

§ 2. Akiitsut allagartaat arlalinnit atulersinneqarsimappat, atulersitsisut ataasiakkaarlutik aamma tamarmik ataatsimoorlutik pisussaaffeqarput, immikkut allatut isumaqatigiissuteqartoqarsimanngippat. *Imm. 2.* Arlaata akiligassat akilersimagunigit akiitsoqataasunit tamanit taakkua akilernissaat piumasarisinnaavaa. Akiitsoqartut ilaat akiitsuminik akiliisinnarpasinnippat imaluunniit sumiinnara naluneqarpat, allat namminneq taassuma akilersimanngisaanik naammassinnissinnaapput. Tamanna aamma atuuppoq nammineq akiligassani ullut 14-it nallertinnagit akilersimanngippagit, tamatuminnaga peqqussut saqqummiunneqareersimappat imaluunniit inussiarnersumik taassumunnga nassiunneqarsimappat.

§ 3. Sumi akiliisoqassanersoq isumaqatigiissutigineqarsimanngippat akiliineq isumannaarneqassaaq pisassaartup najugaani imaluunniit, taanna ingerlatsiviteqartuusimappat, ingerlatsiviani. Pisassaartooq nunamut allamut nuussimappat akiliineq naammassineqassaaq siornatigut akiliiffigisimasami.

*Imm. 2.* Pisassaartulli piumasarisinnaavaa akiliineq naammassineqassasoq allami nunami akiliinerup naammassineqarfissaani, tamanna akiitsulimmut pingaarutilimmik ajoqutaassanngippat aningaasaajaatanilu.

*Imm. 3.* Pisassaartooq nuussimappat imaluunniit akiligassaq akiitsullip sumi akiliinissamik sianiginngisaanik nuutsinneqarsimappat, tamatuma malitsigisaanik akiliinissamik kinguaattoorneq akiitsulimmit akisussaafigineqassanngilaq. Pisassaartup aningaasartutit annaasallu akiitsullip akiitsorisimasai akilertariaqassavai, akiitsullip allannguineq ilisimasimanngimmagu.

**§ 4.** Akiitsulli allagartaannik tigumminnittumit atulersinneqartunik akiliineq naammassineqartassaaq akitsaqarfiusup ingerlatsiviani, allamik immikkut isumaqatigiissuteqarsimatinnagu.

*Imm. 2.* Malittarisap pissuseqataa atuutissaaq akiitsut allagartaannut akiitsut allagartaannut amerlasuunut ataatsimut assigiimmik allagartalerlugit saqqummiunneqarsimasunut (akiliitsut allagartaannut amerlasuunut), imaluunniit aningaasat uninngatitat aningaaserivinnit allanillunniit atulersinneqarpata, taakkunani suliat ilagisimappassuk aningaasanik uningatitanik tiguisinnaaneq.

**§ 5.** Akilersuinissamut piffissalikkamik isumaqatigiissuteqartoqarsimatinnagu akiitsulik pisussaavoq akiitsuminik akilersuissalluni, pisassaqartup piumasarigaangagu, qaqugukkulluuniillu akiliisinnaatillugu.

*Imm. 2.* Akiligassat uppersaataata naaffissaa imaluunniit eqqortumik akiliiffissaq nalliuttuusimappat imaluunniit inatsisitaarfimmi juunip 5-ianniusimappat, akiliinissap naaffissaa kinguartinneqassaaq ullumut suliffiusumut tullermut. Tamanna aamma atuuppoq akiligassanut uppersaat killiliussatut aalajangiussaasimasooq ullormi nalliuttumi inatsisitaarfirmiluunniit ulloqarsimappat.

*Imm. 3.* Akiligassanik akiliinissaq juunimi (11-anni) imaluunniit decembarimi (11-anni) akiliiffissaatitaasumi, ulloq 11-at naatsorsuunneqassaaq akiliiffissaatut kingullertut, kisianni akiliinerit kingusinnerpaamik 18-ianni pisut, imaluunniit taanna ulloq nalliuttuusimappat, qaammatip ulluisa 19-ianni, eqqortutut isigineqassaaq. Akiligassanut uppersaatinut allanut akiitsulik taamaallaat kinguartitanik akiliisinnaavoq tamatumani ulluliussat isumaqatigiissutigineqarsimappata.

**§ 6.** Pisassaqartup pissusiata akiliinissaq akornusersimappagu akiitsulik akornutip atuunnerani ernianik akiliissanngilaq, naak akiitsut siumoortumik ernialigassaagaluartut.

*Imm. 2.* Akornutip immikkut pissusiata kingorna pisassaqartup piumasaqaatigippagu akiitsullip aningaasat aningaaserivimmuut sparekarsimullunnit ikissagai, piumasaqaateqartoq matussusertariaqarpai tamatumuuna suut iluarsiiissutaanersut.

**§ 7.** Akiitsut allagartaat aningaasat sumiiffimmi akiliiffiusumi atorsinnaanngitsuuppata, allatut isumaqatigiissuteqarsimatinnagu akiliineq pisassaaq aningaasat akiitsut allagartaanni pineqartut atorlugit, imaluunniit sumiiffigisap aningaasai atorlugit ullormi akiliiffiusumi nalingi malillugit.

*Imm. 2.* Akiitsulik akiitsut allagartaannik, aningaasanik sumiiffimmi aningaasat akiliiniarnermi atorsinnaanngiffianni, piffissaq eqqorlugu akiliinngippat aamma akiitsut allagartaanni aningaasat nalingat apparsimappat, piumasaqaatilik piumasaqarsinnaavoq annaasimasaminik taarsiivigitinnissamik. Pisut annaasat allatut nalunaarsinnaanerannik tungavissaqanngitsillugu, piumasarisinnaavaa aningaasanik sumiiffimmi akiliiffiginiarneqartumi atorsinnaasunik akiliuteqarnissaq, ullormi akiligassat akilersimaffigissaraluanni nalingi atorlugit.

*Imm. 3.* Aningaasalli ullormi nalingi taarserneqassanngillat, kinguarsaaneq piumasaqaateqartup pissusilersorneranik peqquteqarpata imaluunniit pissutaasimappata inatsisiliornermi aqqqissuinerit, tamanut angallaviit unittoorneri pisimappata assigisaallunnit akornutit qaangeruminaatsut akiligassallip qanoq iliuuseqarfisimasinaanngisai akiitsut allagartaannik atulersitsinermini.

**§ 8.** (atukkunnaarpoq)

**§ 9.** Akiitsut allagartaat pigisanut qularnaveeqqutitulluunniit nuunneqarpat, nuussisup isumagissavaa piumasaqaatip attuuttuarnissaa. Tamannali atuutinngilaq tunissutini aamma pissarsisup nalunngippagu piumasaqaat atuutinngitsoq, imaluunniit tamanna pasinartuutissallugu tunngavissaqaruni.

**§ 10.** Akiitsut allagartaannik nuussisup, tamanna suliarigaangamiuk, akisussaaffigisassaaraa taamaallaat akiligassallip tatigisassaassusia.

## **Kapitali 2**

### *Pigisat nuunneqartut akiitsoqarfigineqarnerinut allagartaat*

**§ 11.** Kapitalimi matumani malittarisassat atutilersarput pigisat nuunneqartut akiitsoqarfiginerinut allagartanut.

*Imm. 2.* Pigisat nunneqartut akiitsoqarfigineqarnerinut allagartat tassaapput:

1. Akiitsut allagartaat tigumminnittumit akiligassat imaluunniit akiitsut kimit akilernerqassaneri nalunaarneqanngitsut (tigumminnittut akiitsuinut allagartat).
2. Akiitsut allagartaat inummit aalajangersimasumit akiligassat imaluunniit isumaqatigiissuteqarnikkut akiitsut (isumaqatigiissuteqarnikkut akiitsut allagartaat).
3. Akiitsut allagartaat pigisamik nalilinnik imaluunniit umiarsuarmik timmisartumillunniit qularnaveeqqusikkat, immaasimanngippat akiitsut allagartaanni ilaliunneqarsimasoq "isumaqatigiissutaanngitsut" imaluunniit nangaassutit assingusut.
4. Akiitsut allagartaat inummut aalajangersimasumut akilernerqartussat (akiitsut allagartaat atilikkat), nassuitsumik nalunaarisut tassaassasut pigisat nuunneqartut akiitsoqarfigineqarnerinut allagartat.

**§ 12.** Tigumminnittut akiitsuinut allagartat nalunaarneqarsimappat pisassaartoq imaluunniit inuk aalajangersimasoq imaluunniit isumaqatigiissut, tassaajuassapput pigisat nuunneqartut akiitsoqarfigineqarnerinut allagartat, imaassimanngippat atiliineq akiitsulimmit atsiorneqasimasoq imaluunniit pisinnaasimasoq akiitsut allagartaat periarfissiissutigalugu.

*Imm. 2.* Akiitsut allagartaat amerlasuut tigumminnittumut allagartaligaasimasut imaluunniit inummut aalajangersimasumut imaluunniit isumaqatigiissutit tassaajuassapput pigisat nuunneqartut akiitsoqarfigineqarnerinut allagartat naak akiitsulimmit atermik nalunaarineqarluartoq. Malittarisassat immikut ittut inatsisip matuma kapitaliini 5-imi aamma 6-imi nassuiaatigineqassapput.

**§ 13.** Tigumminnittut akiitsuinut allagartani ilimagineqassaaq akiitsut allagartaannik tigumminnittoq pisassaq atuutsinniarlugu pisinnaatitaasussaasoq. Pigisat nuunneqartut akitsoqarfigineqarnerinut allagartani allani ilimagineqassaaq pisaarnissamik pisinnaatitaasussaasoq tassaassasoq akiitsut allagartaannik tigumminnittoq, namminerminut piukkunneqarsimappat imaluunniit nuunneqarsimappat taassumunnga allakkatigut nuussinerminu tigumminnittumut, tulleriissiterinerminu ersitsumut, nunneqarsimappat.

**§ 14.** Tigumminnittut akiitsuinut allagartaq tigumminnittumit pigisassatut imaluunniit qularnaveeqqutitut nuunneqarsimappat, aamma piginnilersup akiitsut allagartaat tigusimappagu, tamanna pisinnaatitaanerani akornusiinngilaq nuussisoq nammineersinnaalersimangitsuuppat imaluunniit akiitsut

allagartaannik tigummissalluni pisinnaatitaangippat, imaassimanngippat pissarsisup tamanna nalunngikkaa imaluunniit pissutsit piumasaqaataattulli sissuersimanngikkaa.

*Imm. 2.* Pigisat nuunneqartut akiitsoqarfigineqarnerinut allagartani taamatulli atuupput nuussineq ingerlanneqarsimappat § 13 malillugu pisaartussatut pisinnaatitaasutut, imaluunniit inummit tunngavissaqartumik ilimagineqartumit kinaassusia taannaasoq imaluunniit taanna sinnerlugu piginnaatitaasoq. Nuussisup siusinnerusukkut nuussinernut pisinnaatitaanini illersorpagu, pisaartussap taakkua piviususiat atuutissusiallu misilittariaqanngilai, immaasimanngippat pissutsit taamaaliornissamut tunngavissiisut.

*Imm. 3.* Akiitsut allagartaanni amerlasuuni nalunaarneqarsimanngitsunut allassimasoqarpat tigumminnittumut sammitinneqartunik atilerlugillu pissarsiarineqarsinnaanatik, pisaartup tamakku naatsorsuutigissanngilai.

**§ 15.** Nuussinikkut pigisat nuunnerini akiitsoqarfigineqartunik allagartanik pisinnaalersimasumut tiguisimasumullu, tunniussisup atuutsissinnaanngilaa akiitsut allagartaat atuutinngitsuusoq inatsit nr. 242 maajip 8-anni 1917-immeersumi isumaqatigiissutinut inatsillu malillugit niueqatigiinnerit pigisat nalillit pillugit inatsimmi §§ 29-mit 33-mut naapertorlugit malittarisassat, imaluunniit taassumannga atsiorneqareerluni taassuma piumasaa malinnagu saqqummiunneqarsimasoq, akiliutissaq isumaqatigiissutaasimasoq tiguisimanngikkini imaluunniit akerliliinerit allat inatsimmi pissutsineersut pissutaasut akiitsut allagartaata atuutsinneranut, akiliut nuussineq sioqqullugu, imaluunniit allatigut akiitsoqarneq unissimasoq imaluunniit isumaqatigiissutikkut allanngortinneqarsimasoq, akiligassat ilanngullugit naatsorsuinikkut, atorunnaarsitsinikkut eqqartuussutikkulluunniit.

*Imm. 2.* Akerliunerli ajorsarnerussanngilaq piginnilersup nalunngippagu pisunik pisoqarsimasoq akerliliinerup tapersiutigisinnaasaanik, imaluunniit taamaassinnaaneranut pasinartumik.

*Imm. 3.* Akiitsut allagartaat piialertorneqarsinnaangitsumik allagartalerneqarsimappat akiliineq pissuserluunniit alla pillugit akerliuissummut tapersiutaasinnaasumik, akerliuneq atatiinnarneqassaaq, naak allagartaliineq nuussineq sioqqullugu peerneqarsimagaluarpat.

**§ 16.** Akiitsoqartup erniat nuussineq sioqqullugu killilikkat akilersimagunigit, tamanna piginnittumut atuutsissinnaavaa ajunngitsumik siunertaqarluni. Aamma atuutsiinnassavai erniat akilernissaannut akiitsut allagartaat malillugu nuussineq sioqqullugu akilereersimasassat pillugit akerliunerit allat.

*Imm. 2.* Malittarisat taakkuttaaq atuupput akilersukkanut akiitsut allagartaat malillugu piffissani aalajangersimasuni akilersugassanut.

**§ 17.** Atulersitsisup nammineq tiguisumut ajunngitsumik isumaqarluni oqaatigisinnaavaa akiitsut allagartaat eqqunngitsuusoq imaluunniit eqqunngitsunngorsagaasoq, nammineq atini sinnerlugu tamatumunga piginnaatissummik peqarani imaluunniit persuttaalluni pinngitsaaliinikkut atuutinngitsuoq (inatsit nr. 277 juunip 30-anni 1922-meersoq nammineersinnaannginneq aamma nammineersinnaanngitsumik nakkutigininneq pillugit § 65), akiitsut allagartaat nungussimasutut atuutinngitsutullu, imaluunniit piumasaqaat atorunnaarsimasoq allanngortinneqarsimasorluunniit inatsisiliornerup inissiineq, pisoqalineq, piumasaqarsinnajunnaarneq imaluunniit akuerineqartariaqartumik isumaqatigiissummik malittarisassarititai malillugit.

**§ 18.** Pigisat nuunneqartut akiitsoqarfigineqanerinut allagartanik pigiligassatut qularnaveeqqutitulluunniit nuussinikkut tiguisimasup taamaallaat piumasarisinnaavaa pisassat ilanngullugit naatsorsorneri nuussisumit piumasaqaatitut, piginnilersup nalunngippagu akiitsulik piumasaqaateqartoq pisassat ilanngullugit naatsorsuinermit atorsinnaasunik, aamma nuussinermi annaasaqassasoq, pisassat ilanngullugit naatsorsuisoqanngippat.

*Imm. 2.* Piumasaqaatinik pisassat ilanngullugit naatsorsuinermit periarsinnaaneq inatsisitigut pissutsinit akiitsut allagartaannik piumasaqaatitulli aallaaveqartoq taamaattoq atatiinnarneqassaaq nuussineqaraluarpalluunniit, imaassimanngippat taassuma tamanna nalunngikkaa imaluunniit pissutsit piumasaqaataat malillugit sissuersimanngikkaa, pinaveersaarniarlugu aningaasat inussarinngisaminnut pinissaat.

**§ 19.** Akiitsullip tigumminnittup akiitsuinut allagartaq tigumminnittumut akilersimappagu, pisussaaitaajunnaassaaq naak tiguisoq nammineersinnaanngikkaluartoq imaluunniit akiliummik tiguisissalluni pisinnaatitaanngitsoq, imaassimanngippat tassuma tamanna nalusimanngikkaa imaluunniit pissutsit piumasaqaataat malillugit sissuersimanngikkaa, pinaveersimaniarlugu aningaasat inussarinngisaminnut pinissaat.

*Imm. 2.* Pigisat nuunneqartut akiitsoqarfiginerinut allagartanut assinga atuuppoq, akiliineqarsimappat inummut § 13 malillugu ilimagineqartumut piumasaqaammik atuutsitsisussatut, imaluunniit inummut tunngavissaqartumik ilimagineqartumut kinnaassutsimigut taannaasumut imaluunniit akiliummik tiguisinnaanermut piginnaatitsissummik taassumannga pisimasumut. Tiguisup siornatigut nuussinerusartunut pisinnaatitaanini tapersepagu, akiitsullip misilittariaqanngilaa taakkua ilumoortuussusiat imaluunniit atuuttuusinnaanerit, imaassimanngippat pisut taamaaliornissamik pilersitsisut.

**§ 20.** Pigisat nuunneqartut akiitsoqarfiginerinut allagartaq pigisassatut imaluunniit qularnaveeqqutitut nuunneqarsimappat, akiitsullip pisussaajunnaanermik kinguneqartumik nuussisumut akilersinnaavai erniat akiligassartaat, imaassimanngippat nalunngikkini taajinnga akiliummik tiguisissalluni pisinnaatitaajunnaarsimasoq, imaluunniit taamatut pasissallugu tunngavissaqarluni. Akilersukkanut akiitsut allagartaat malillugu piffissani aalajangersimasuni akilereersimasartussanut tamanna aamma atuuppoq.

*Imm. 2.* Qularnaveeqquisiisumit imaluunniit akiitsut allagartaannik akiitsulimmit allaasunut nuussineq pisussaajunnaarsitsinngilaq, imaassimanngippat akiliisoq akiitsulillu ajunngitsumik siunertaqarlutik iliortut.

*Imm. 3.* Akiitsunut allagartanut pisassaqaartup peqataannginnerani akiitsulimmut allamut nuussimasoq, tamanna pisussaajunnaarsitsissaaq nuussisumut akiliinikkut, imaassimanngippat taanna aamma siornatigut ajunngitsumik siunertaqarluni akiitsulusimasoq imaluunniit inummut akiitsut allagartaannik nussivigineqarsimasumut taassuma nalunngikkaa pisussaaffik akiitsulimmut allamut nuussimasoq.

**§ 21.** Akiitsulik pisussaaffeqarpoq taamaallaat akiitsut akilernissaannut akiitsut allagartaannik tunniussinikkut. Tigumminnittumut akiitsut allagartaat pineqarsimanngippat, akiitsullip aamma piumasarisinnaavaa akiitsut allagartaannut uppersaasat.

*Imm. 2.* Akilersukkanik akiitsut allagartaat malillugu aalajangersimasumik akiliisarfissanik nalunaarsukkani akiliiffissamik qaangiilluni akiliiguni, taamaallaat piumasarisinnaavaa immikkut uppersaaserneqarnissaq. Akilersukkat allat aammattaaq akiitsut allagartaannit piujunnaarsinneqarsinnaapput.

*Imm. 3.* Akiitsullip soqutigisariguniuk piumasarisinnaavaa pisassallip akiitsut allagartaat uppersaammik nalunaaqutseraa akilersukkat akilerneqarsimasut pillugit.

*Imm. 4.* Akiitsut allagartaat atorunnaarsinneqarpat akiitsullip piumasarisinnaavaa tamanna allagartalerneqassasoq.

**§ 22.** Pigsawat nuunneqartut akiitsoqarfiginerinut allagartap qularnaveequsiissutaanera atuuffeqanngilaq pisassallip akiligassaqarfinut, imaassimangippat pisassallip akiitsut allagartaat tigummisimagaa.

**§ 23.** Akiitsut allagartaannut amerlasuunut ernianik allattuiffiit tigumminnittumut akiitsut allagartaannut inatsisip malittareqqusai malippaat.

*Imm. 2.* Aalajangersakkat akiitsut allagartaasa ataatsimut allassimaffiat pituttuisuvoq nalunaarsuummik pissarsisumut. Aamma naammagisaqariaqarpaa akerliusut akiitsut allagartaat nalunaarsuiffimmut atasoq atuutinngitsuummat, atulersitsisumit saqqummiussaanginnami.

*Imm. 3.* Akiitsut allagartaat ataatsimut allagartamik periarfissiissuteqarluni peerneqarsimappat allatigullunniit tamakkerlugit akiliinnermut ilagittinneqarsimappat nalunaarsuutit kingusinnerusut akilernissaannut pisussaaffeqanngilaq.

*Imm. 4.* Akiitsullip piumasarisinnaangilaq § 19, nammineq akiligassani nalunaarsuummik immikkut sinniilluni akilereersimaffissaa qaammat ataaseq sinnerlugu akilersimaguniuk. Nalunaarsuut nuunneqarpat piffissap tamatuma iluani §§ 14 aamma 15 atuutissanngillat.

*Imm. 5.* Nalunaarsuutit akiitsut allagartaannut ilagitillugit nuunneqarpata pisassalik nalunaarsuutitut pisinnaaffeqarnerunngilaq akiitsut allagartaannut pisinnaaffimmisuulli.

**§ 24.** Iluanaarutit nalunaarsuutit aktiat allagartaannut uppersaasatit allatullunniit ingerlatsivimmilunniit piginneqataanermut uppersaasatit taamatulli tiguminittumut akiitsut allagartaannut allagartanut malittarisassat malippaat.

*Imm. 2.* Ingerlatsiviup maleruaqqusai pituttuisuupput nalunaarsuummik pisimasumut. Taassuma naammagalugu atortariaqarpaa akerliunerit aktiat allagartaat imaluunniit piginneqataanermut allagartaq ingerlatsivimmi piginneqataanermut pisinnaatitsinngimmat, nalunaarsuutit atuukkunnaarmata.

*Imm. 3.* Nalunaarsuutit kisiisa immikkut nunneqarpata, iluanaarutit aalajangersannginnerini, §§ 14 aamma 15 atussanngillat.

*Imm. 4.* Nalunaarsuutit aktiat allagartaannut imaluunniit piginneqataanermut allagartaq ilanngullugit nuunneqarpata, pisassalik nalunaarsuutitut pisinnaanerulinngilaq aktiat allagartaannut imaluunniit piginneqataassutitut tunngasunit.

*Imm. 5.* Nalunaarsuutit akiliutip aalajangersimasup nalunaarsuummi piffissami aalajangikkami akilerneqartarfiani, aalajangersagaq § 23, imm. 4, taamatuttaaq atuutissaaq.

**§ 25.** Ernianut iluanaarutinullu nalunaarsuut malillugu pisassarisat atuukkunnaassapput nalunaarsuut periarfissarititaasumit kingullermit ukiut 3-t kingorna akiligassatut saqqummiunneqarsimangippat

imaluunniit periarfissarititaasup sivitsukkap naaneraniit nalunaarsuutini piginnittunut qularnaakkani.

Ukiuni pingasuni periarfissaqartitaaneq sivitsorneqarsinnaanngilaq.

*Imm. 2.* Periarfissarititaasup naannginnerani akiitsulimmik nalunaarsimasup nalunaarsuutini tammarsimasut, aamma piginnittuunini akuerineqarsinnaasunngortinniaraa, periarfissarititaasup kingorna piumasarisinnaavaa aningaasat amerlassusiat nalunaarsuummittoq akilersinniarlugu. Piumasaqaat nutaanngilissaaq inatsimmi nr, 274 decembarip 22-anni 1908-mi malittarisassat malillugit.

### **Kapitali 3**

#### *Akiitsut allagartaat nalinginnaasut*

**§ 26.** Kapitalimi matumani malittarisassat atuuttassapput taamaallaat akiitsut allagartaannut nalinginnaasunut, tamatumani paasineqassallutik akiitsut allagartaat atsiorsimasut § 11, nr. 3-mut 4-mullunniit atanngitsut.

**§ 27.** Akiitsut allagartaat nalinginnaasooq pigisassatut qularnaveeqqutitullunniit nuunneqarpat piginnilersooq nuussisumit pisinnaanerusanngilaq, imaassimanngippat inatsisiliornermi malittarisassat allat immikut ittut mininneqarput.

**§ 28.** Nuussisumut pisassarisat akiitsullip pisassat ilanngullugit naatsorsuinnermut atorsinnaavai, imaassimanngippat piumasaqaat pissarsiarisimagini nuussinnermut tunngasunik paasisaqanermi ilimasunnermilu nalaani. Piumasaqaat tamatuma nalaani killissamigut qaangiuttooreersimaguni taamaattoq taamaallaat akiligassat ilanngullugit naatsorsuusiinnermut atorsinnaapput, tamanna akiitsut allagartaasa piumasaqaatiginerat killissarititaq piffissami nalaarpassuk.

**§ 29.** Akiitsut allagartaat nalinginnaasooq pigisassatut qularnaveeqqutitullunniit, immikkut atuuffittut, nuussisumik akiliilluni pisussaajunnaarsitsisumik, taassuma nalunngissimappagu, taanna akiliummik tiguisinnaajunnarsimasooq, imaluunniit pissutsit piumasaqaatitaannut sissuersimanngippat.

**§ 30.** Akiitsulik akiitsut allagartaannik nuussiffusimasumut pigisassatut qularnaveeqqutitullunniit akiliisimappat, tamatuma akornusinngilaa nuussinerup atuutinnginneranik pisinnaajunnaarnera. Akiitsulilli pisinnaajunnaassanngilaq tamanna nalunngissimaguniuk tunngavissaqartumillunniit pasillutigisimallugu, aamma atorsinnaanngilaq nuussineq § 17-imi taagorneqartunik tunngaveqartumik atuutinngippat.

**§ 31.** Akiitsut allagartaannik nalinginnaasumik pigisassatut qularnaveeqqutitullunniit nuussineq nuussisup akiligassaqarfinut atuutissanngilaq, imaassimanngippat akiitsulik nuussisumit piginnilersumillunniit nuussineq pillugu paasitinneqarsimasooq.

*Imm. 2.* Pisassaqartup akiitsut allagartaat assigiinngitsunut arlalinnut nuussimappagu, kingusinnerusukkut piginnilersooq allanngussaaq, akiitsulik aatsaat namminerminut piginnilersumullu nuussinnermik paasitinneqarnermi ajunngitsumik siunertaqarsimappat.

*Imm. 3.* Niuernermik ingerlatsivik imaluunniit naatsorsuuserisutut ingerlatsivik allatut ittoq ingerlatsiviup pisassarisai akilerneqarsimanngitsut ilagitillugit nuunneqalerpat, malittarisassat tamakku atorsinnaapput taamaallaat nuussineq qulaarnaakkatut pisimappat.

*Imm. 4.* Akiitsut allagartaat immikkut issusia kinguneqassappat, akiitsullip piginnittup saniatigut allanik akiliilluni pisinnaaneerutinnginneranik, nuussineq atuutilissaaq nuussisup akiligassaqarfinut, piginnilersup akiitsut allagartaat tigummilersimappagu. Pisassaqartup pisassat assigiinngitsunut arlalinnut nuussimappagit, piginnilersoq kingulleq sallinngussaaq, akiitsut allagartaat ajunngitsumik siunertaqarluni tigusimaguniuk.

## **Kapitali 4**

### *Aningaaserivimmiititanut tigusanut akissaatinut allattaaviit*

**§ 32.** Akissaatinut allattaaviit isertitanut uppersaasatitut aningaaserivinnit, sparekassinit allanillunniit isertitanik tiguisarnermik nalinginnaasumik suliaqartunit atuutsinneqartut, inatsimmi matumani kapitalini 1-imi 3-milu malittarisassanut atapput, imaassimangippat allatigut §§ 33 aamma 35 atortinneqartut.

**§ 33.** Aningaasanut akissaatinut allattaavinniittunut isumaqatigiissut akilerneqassaaq kimullunniit mappersakkanik nassarlutik orniguttunut, akissaatinut allattaavinnik atuutsitsisuata taamaallaat patsisigisinnaavaa akissaatinut allataavinni takulertoruminartumik nalunaarsimappat.

*Imm. 2.* Tigumminittumut akuerisaanngitsumut akiliineq pisinnaajunnaarsitsinngilaq, taassuma kontomik piginnittup aqqa nalunaarsimangippagu. Pissutsit immikkut ittut pisariaqartilerpassuk orniguttoq piumaffigineqassaaq mappersakkaniit tiguisisinaanermut pisinnaatitaaffimminik uppersaasaaqqullugu.

**§ 34.** Akissaatinut allattaavinnik pigisassatut imaluunniit qularnaveeqqutitut nuussisup akiligassaqarfinut nuussineq atuutilersinnaavoq aatsaat akissaatinut allattaaviup atuutilersitsisuata nuussineq nammineq naatsorsuutimini kontomi allassimappagu piginnilersumullu nalunaarutigalugu, kontomi aningaasat qassit ikineqarnersut. Kontomik piginnittumit nalunaarnek piumasarineqapat, mappersakkallu atuulersitsisumut saqqummiunneqarpata, taassuma pisuussaaffigaa nalunaarsuineq piginnilersumullu nalunaarutiginnineq, immaassimangippat atulersitsisup ileqqoreqqusaasa nuussukkanik nalunaarsuineq pisussaatinngikkaat.

*Imm. 2.* Akissaatinik allattaavinnik piginnittup allataavinnut pisinnaatitaaffik assigiinngitsunut arlalinnut nuussimappagu, piginnilersoq kingulleq salliutinneqassaaq, pisinnaatitaanini kontomini nalunaartikkuniuk tamannalu pillugu ajunngitsumik siunertaqartumik nalunaarfigineqarluni.

*Imm. 3.* Tigumminittunt tamanit allataavinnit tiguisoqarsinnaassappat, ilanngullugu piumasarineqarpoq piginnilersup akissaatinut allattaavik tigummissagaa.

**§ 35.** Akissaatinut allataavinnik atuulersitsisup piumasarisinnaangilaa pisassat ilanngullugit nuussisumut naatsorsuusiornissaq, taassuma piginnilersoq § 34 malillugu nalunaarfigisimappagu. Aamma atuutsissinnaanngilaa aningaasat akiitsorinagit, imaassimangippat piginnilersup tamanna nalunngikkaa imaluunniit tunngavissaqartumik pasilliutigisinnaagaa.

*Imm. 2.* Atulersitsisup atuutsitsinikkut akissaatinut allattaavilisartumut akiliisinaanani atorsimaguniuk nalunaarsuineqarluartilluguluunniit tigummissaqartumut akiliisinaanani piginnassavaa, allatut isumaqatigiissusiortoqarsimangippat.

## **Kapitali 5**



**§ 36.** Kapitalip matuma malittareqqusai makkununga atuupput:

1. Akiitsut allagartaat amerlasuut, tassaasut pigisat nuunneqartut akiitsoqarfiginerinut allagartaat oqaatigigaallu atikkut nalunaarneqarsinnaallutik.
2. Akiitsut allagartaat amerlasuut inatsisip atuuttussanngunnginnerani atuutilersimasut, maannamutulli peqqussut juunip 21-anni 1844-immersoq malillugu nalunaarsimasussat.

**§ 37.** Akiitsut allagartaat naatsorsuunneqartarpoq atikkut nalunaarsimasutut, inummut aalajangersimasumut sammitinneqarsimagaangami, imaluunniit akiitsullip nalunaaqutsersimagaangagu atermik nalunaagaasimasoo. Ateq akiitsut allagartaanni ivertillugu allassimasariaqanngilaq.

*Imm.* 2. Akiitsut allagartaat naatsorsuunneqartarpoq tigummisumut nalunaarsimasutut, akiitsullip nalunaaqutsersimagaangagu tigummisumut nalunaarsimasoo.

*Imm.* 3. Akiitsullip nalunaaqutaata takutippaa, akiitsut allagartaanni nalunaarsuutaaniittoq ivertinneqarsimallunilu pisinnaasup aqqanik imaluunniit nalunaarlugu akiitsut allagartaat tigummisumut nuunneqarsimasoo.

**§ 38.** Akiitsullip akiitsut allagartaat inummut, nalunaarsimangitsumik nuussinermut pisinnaanermik tapersiutaasumik atermik nalunaaqutsersimanngikkuniuk, pisinnaajunnaassanngilaq, takuneqarsinnaalerpat piginnittutut nalunaarsimasumit nuussineq ilumoortuunngitsuusoq. Akiitsullip akilerumannngissinnaavaa, pisinnaanerminik nalunaarsimanngitsumik nuussineq.

**§ 39.** Akiitsut allagartaata pigisassatut imaluunniit qulanaveeqqutitut nuunneqanerani malinneqassapput § 14-imi malittarisassat makkuninnga allannguutillit:

*Imm.* 2. Akiitsut allagartaat nuunneqarnermi nalaani piginnittup ataani atermik allaasumik nalunaarneqarsimappat, pissarsisup siullermik pisinnaaneq nalunaarsimasoo, aamma pisinnaaneq annaaneqanngilaq pissarsisup nalunaaqutsiummik nalunaarut tigusitinnagu nalunngilersimappagu nuussisoq akiitsut allagartaannik ingerlatsinissamut pisinnaanngitsoq.

*Imm.* 3. Nalunaaqqusiummik nalunaarineq nuussineq sioqqullugu peerneqarsimasoo akornutaanngilaq pissarsisup akiitsut allagartaannik piginninnermut pisinnaaneranik, imaassimanngippat tassuma isikkua pasinartoqartoq.

*Imm.* 4. Akiitsut allagartaat nuussinermik nalunaaqqusiummik ilumoortumik nalunaarsimasooqarpat, tamatuma pissarsisup pisinnaaneranut akornusiinngilaq, nuussinerit pisussat ataqatigiinngippata.

**§ 40.** Inuup aqqa akiitsut allagartaanni nalunaarsimasup akiitsulimmut nalunaarutigippagu akiitsut allagartaat namminerminut aallaaveqartoq, akiitsullip inuup allap piumasaa malillugu nutaamik nalunaaqquseqqullugu, aamma akiitsulik pisinnaaneerutissanngilaq akiitsut allagartaat akilissallugu imaluunniit tunniutissallugu nalunaarsuutit pappiarartaat nutaaq inummut tigummisumut eqqunngitsuusumut.

*Imm.* 2. Nalunaarutiginitup najugaa akiitsulimmut nalunaarutigineqanngippat aamma tassumannga nalunnginneqanngippat, nalunaarut akuersaarneqassanngilaq. Nalunaarutiginninnerup sunniutaa atorunnaassaaq akiitsut allagartaannik tigummisup akiitsup allagartaannik ingerlatsinissamik pisinnaanini

pigilissavaa aalajangersarneqartoq nalunaartumit imaluunniit inaarutaasumik taassuma oqartussaaneratigut. Nalunaarutiginittoq nunami allami najugaqarpat nalunaarutiginninnerminilu nunami maani sinniisissaminik toqqaasimanngippat, suliaasaq nunami maani suliarineqarsinnaassaaq nalunaarut sumiissanersoq toqqarlugu.

*Imm. 3.* Tigumminnittoq nalunaarsimappat, namminerli nalunaarutiginnittumi qaammatit pingasut nallertinnagit suliaasangortitsiumanani, akiitsulimmit akuerineqannginnermi kingorna pissuseq akiitsut allagartaat akiitsulimmut saqqummiunneqarsimammat, pinaveersimatinngilaa taassuma atorussaajunnaarsitsinera, takuneqarsinnaalerpat akiitsut allagartaannik nalunaaruteqartoq sumiiffississallugu ajornartoq.

**§ 41.** Nuussinernik ilumuunngitsunik nalunaarutiginnittarnermik ulorianaat annikillisarniarlugu akiitsullip pisussaaffigaa justitsministerip aalajangernerit annertussusia apeqqutaatillugu, nalunaarutini patajaalluni nakkutiginninneq nalunaarutigineqartumik pineqartumik allakkatigut saqqummiussilluni, tassani akiitsut allagartaanni siornatigut nalunaarutigalugu, sumiiffialu akiitsut allagartaanni nalunaarlugu imaluunniit allatigut takulertorneqarsinnaanngorlugu.

*Imm. 2.* Annerpaamik 1 kronemik akiliilluni akiitsut allagartaannik atikkut nalunaarsimasunik pisup nalunaaqutsiummik nalunaarut allakkatigut inuttaaniinnaq tigusassatigut tunniunneqarnissaa piumasarisinnaavaa imaluunniit akiliummik pisinnaanerninik atorunnarsitsineq.

*Imm. 3.* Nalunaarutit nassiussat akerliussutillu qaassiunerat akiitsullip justitsministeriamut nalunaarutigisassarai.

**§ 42.** Nalunaaqutstersuineri periaatsimut malittarisassat erseqqinnerusut aamma § 41-mi pissutsit pineqartut justitsministerimit aalajangersarneqartassapput erhvervs- og vækstministerimik isumaqatigiinniareernikkut.

## Kapitali 6

### *Akiitsut allagartaasa amerlasuut aamma nalunaarsuutit pisoqanngortarnerat*

**§ 43.** Akiitsut allagartaannut amerlasuunut pisassarisat atuukkunnaarnerminniit ukiut 10 qaangiuneranni ullormi pisoqanngortarput, taanna qaammatisiutit malillugit allakkiamik aalajangerneqarsimappat imaluunniit taassuma atorunnarnerata allannikkut tamanut nalunaarutigineqarneraniit imaluunniit akiitsulimmit atuukkunnaarsitsinermit.

*Imm. 2.* Akiitsut allagartaat amerlasuut qaquguluunnit akilerneqarsinnaasut (piumasaqaateqarnikkut) pisoqanngortarput atuutilerminniit ukiut 10-t qaangiukkaangata pisoqanngortarput.

*Imm. 3.* Akiitsut allagartaat amerlasuut allat atuuffissamik ulluanniit ukiut 20-t qaangiukkaangata pisoqanngortarput.

*Imm. 4.* Periarfissarititaq sivitsorneqarsinnaavoq imaluunniit sivikillineqarsinnaavoq akiitsut allagartaanni erseqqissumik aalajangersaanikkut.

*Imm. 5.* Akiitsullip pisoqanngornerup nalaani ernianut uppernarsaatitut nalunaarut tigusiffigisimappagu akiitsut allagartaata pisoqanngornera atussaaq siusinnerpaamik nalunaarutip atuukkunnaaneraniit.

**§ 44.** Akiitsut allagartaat akiitsulimmi inissinneqasimasut (nalunaarutigineqarsimasut) pisoqanngortarput aamma inissiinerup kingorna ukiut 20-t qaangiukkaangata, erniat akilernerqaratik.

**§ 45.** Akiitsut allagartaat amerlasuut ernianut nalunaarsuutitallit pisassalimmut pisinnaatitsinngippata aningaasat annertussusiat utertillugt akilissallugu, pisassaq pisoqalissaaq – eqqaanngikkanni § 44-mit kingunerusut – aatsaat ernianik akiliiffissatut killigititap kingorna ukiut 3-t qaangiutereerpata, tamatumunnga ernianik nalunaarsuutit saqqummiunneqartut tigusassatut pisoqalisut, erniat nalunaarsuutaannik nutaanik piumasaqaateqartoqanngikkangat, aamma taamaallaat ukiuni 20-ni piffissami tamatumani akiliiffissami erniat nalunaarsuutaannik saqqummersoqanngikkaangat.

**§ 46.** Pisassat erniat – imaluunniit pissarsiat nalunaarsuutaat malillugu piffissap eqqorlugu akiligassatut saqqummiunneqarsimasut, tak. § 25, imm. 1 saqqummiunneqarnerminnit ukiut qulit qaangiunnerani pisoqanngortarput.

**§ 47.** Pisoqanngorneq unitsinneqassaaq pisassallip killigititap qaangiutinnginnerani akiitsugallip akiitsunik nassueruteqanera imaluunniit taassuminnga eqqartuussivikkut suliarititsinikkut kinguaataanngitsumik unitsinnagu isumaqatigiinnissamut, eqqartuussivimmut allatigulluunniit inatsisitigut nammassinninnissamut malersorai. Akiitsullip akilersuutini unitsissimappagit tamatumani pisoqanngorneq unitsinneqassaaq piumasaqaatip allakkatigut nalunaarutigineratigut.

**§ 48.** Akiitsut allagartaasa amerlasuut pisoqanngornerata kingunerissanngilaa ernianik nalunaarsuutit, ullormi akiitsut allagartaata naanerani pisoqanngortut malillugit piumasaqaatit atorunnaarnerat. *Imm. 2.* Pisoqanngorneq pappiarat nalillit atuuttussaajunnaarsitaasarnerat pillugu inatsimmi § 15-imik tunngaveqartoq nalunaarutigineqassaaq allagaataasivimmut pineqartumut.

**§ 49.** Inuup §§ 43-mi, 44-mi imaluunniit 46-mi pisoqanngortarnermut killigititat taaneqartunik akiitsulimmut nalunaaruteqartoq pisassaminik allakkiaq tammarsimasoq, aamma piginnittuunerminik ilimanarsitsisoq killigititap kingorna pisassat akilernerqarnisaat piumasarisinnaavaa. Piumasaqaat pisoqalissaaq inatsisip nr. 274 decembarip 22-anni 1908-meersup malittarisassarititai malillugit.

## **Kapitali 7**

### *Ikaarsaariarnermi aalajangersakkat*

**§ 50.** (Piissaaq)<sup>1)</sup>

**§ 51.** Inatsisip kapitaliini 1-imiit 6-imut atorneqartarput aamma akiitsut allagartaanni nalunaarsuutinilu inatsisip atortilinnginnerani atuutsitaalersimasut, imaassimangippat allat kingunerigaat §§ 52-imiit 50-imut.

**§ 52.** Inatsimmi §§ 1-imiit 5-imut aamma 7-imi aalajangersakkat atuussinnaapput taamaallaat akiitsut allagartaannut inatsisip atuutilereerneratigut atuuttunngorsimasunut.

**§ 53.** Inatsimmi § 6 atuutissaaq pisuni tamani akiliinissamut piffissarititaq inatsisip atuutilereerneratigut atuutileraangat.

*Imm. 2.* § 8 atuutissaaq akiitsut allagartaannut pisoqaanerusunut, pissutsit akiitsut allagartaasa aalajangersagaannik, inatsisip atuutilereerneratigut atuutilersimasunik atuisariaqalerneq pineqaraangat.

**§ 54.** Inatsisip malittarisassa at ilillugit akiitsut allagartaat atilikkat pisoqaanerusut suliarineqassapput, soorlu inummumut aalajangersimasumut sammitinneqarsimasutut imaluunniit isumaqatigiissutitut, immaassimangippat akiitsut allagartaanni ilanngunneqarsimagaangat "isumaqatigiissutaanngitsut" imaluunniit pissuseq tassunga assersuunneqarsinnaasoq. § 14-imulli taarsiullugit inatsisip malittarisassa at pisoqaanerit atuutissapput imaassimangippat akiitsut allagartaat tassaasoq akiitsut allagartaat amerlasuut imaluunniit ullormik atuutilerfissamik pilersinneqarsimasoq, inatsisip atortussanngortinnerata kingorna inississimalluni.

**§ 55.** § 12 atuutissaaq naak nalunaarnera inissinneqarsimagaluartoq inatsisip atuutilerana sioqqullugu. *Imm. 2.* § 20-mi malittarisassa at akilersuutit akilerneqarsinnaasut nuussisumut pisussaa junnaanermik kinguneqartumik, atuutissapput taamaallaat, nuussineq pisimappat inatsisip atuutilernissaa sioqqullugu, piginnilersussap akiitsulik nuussinermik ilisimatissimangippagu.

**§ 56.** Erniat imaluunniit iluanaarutit nalunaarsuutaanut killigititaq pilersimappat inatsisip atuutilerana sioqqullugu, naatsorsorneqassaaq § 25 ukiunut pingasunut atuutilersitsinerminngaanniit. Pisassalli pinngitsooratik atorunnaassapput, inatsisip maannamut atuuttut malillugit atorunnaarsimassagamik.

**§ 57.** Akissaatinut allataavinnut inatsisip atortilinnginnerani atuutilersinneqarsimasunut atuutilersitsisup § 33, imm. 1 aporfiginagu patsisigisinnavaai nammeneq maleruaqqusamini imaluunniit ingerlatsivimmi piumasaqaatini aalajangersakkat, taakku akissaatit allattuiviini ilanngunneqarsimappata. Atuutilersitsisullu akissaatinut allattuiviit inatsisip atuutilernerata kingorna siullermik namminerminut saqqummiunneranni allattuiviit nalunaaqutsiivigisariaqarpai § 33 imm. 1-mi taaneqartut naapertorlugit.

**§ 58.** Peqqussut juunip 21-anni 1844-meersoq atuutissaaq nalunaarsuineri tamani, inatsisip matuma atuutilernerani peqqussut malillugu pisimasoq. Piginnilersorli pisinnaalissaaq § 39, imm. 1 aamma 2 malillugit, tamani nalunaagaq patsisigisani pisimappat inatsisip atuutilernerata kingorna, assigalugu § 39, imm. 3 tamani atuutissaaq nuussineq pisimappat inatsisip atuutilereernerani.

**§ 59.** Inatsisip atuutilereernerata kingorna ukiuni siullerni pingasuni kapitali 6 naapertorlugu pisoqanngorneq atuutilersinnaassanngilaq, imaassimangippat pisassat aamma pisoqanngorsimasut inatsisip qanganitsap malittareqqusai malillugit.

## **Kapitali 8**

### *Inatsisip allani allannguinerit*

**§ 60.** DL 1-23-13 aamma 14 – Savalimmiunut tungatillugu NL 1-21-13 aamma 14, - peqqussut oktobarip 6-anni 1753-meersumi § 9, peqqussut februaarip 9-anni 1798, peqqussut juunip 21-anni, 1844-meersoq,

inatsit apriilip 6.-anni 1855-imi § 3, inatsit nr. 18 januaarip 28-anni 1871 aamma malittareqqusat immikkut ittut vekselobligationinut tunngasut atorunnaartut.

**§ 61.** Inatsip matuma § 2-a atuutissaq aamma ataatsimoorullugu qularnaveeqqusiisunut.

**§ 62.** Inuk isumaqatigiissut malillugu aalajangersimasumik annertussisilimmik akiligassaqartoq piffissaliussami eqqortumi akiliinngikkuni, ukiumoortumik ernianut akiliissaaq, diskontomut qaqugumullunniit tamanut atuuttut aalajangikkamut naapertuuttumik 2 pct.-imik ilallugu ullormit akiitsup akilersimaffissaraluanii. Pisassallili akiitsulik eqqaasissavaa akiliinissamik, piumasarineqarpat akiitsullip soqutigisaanut tulluuttumik iliortoqassasoq. Tamanna sumiginnarpagu akiitsulik ernianut sivisunaarinermut akiliissanngilaq, piumasaq tunniunneqarserlugu.

*Imm. 2.* Aningaasanik akiligassat allatigut piffissaq eqqorlugu akilerneqangippata, akiitsullip akilissavai erniat imm. 1-imi taaneqartut ullormi pisassallip akiitsut akilernissaat pillugu

eqqartuussisulersuussinerata tungaanut. Pissutsit immikkut ittut tunngavissaqartippassuk, eqqartuussiviup aalajangersinnaavaa, erniat piffissamit siusinnerusumiit imaluunniit kingusinnerusumiit atuutissasut, imaluunniit suliap ingerlannerani taamaallaat ernianik appasinnerusunik akiliisoqassasoq.

*Imm. 3.* Pisassalik allamik tungaveqartumik ernianik qaffasinnerusunik piumasaqassappat, eqqartuussivik tamatumunnga akissuteqassaaq. Taassuma aamma annaasanik erniat matussusinngisaannik akiliiffigineqarnissamik pisinnaatitaaffini piginnassavaa.

*Imm. 4.* Inatsisitigut malittareqqusat aalajangersaasut pissutsinut immikkut ittunut ernianik kingusinaarlugit akiligassanik aalajangersaasut atuuttuuartuupput. Ernianut appasinnerusumut sammippat, akiitsoqartulli akilissavai erniat imm. 1-imi taaneqartut ullormit pisassallip eqqartuussisulersuussineraniit.

*Imm. 5.* Malittareqqusat qulaaniittut atuutissapput pisuni tamani piffissap akiliiffissap juulip 1.-ani 1938-meersut atulerneraniit.

-----

Pigisat pillugit inatsisiliornerit ilaat il.il. pillugit Inatsit nr. 104 marsip 31-anneersup 1965 Kalaallit Nunaanni atuutilernissamut ikaarsariarnermullu makkuninnga aalajangersagartaqarpoq:

**§ 1.** Juulip 1.-anni 1965-imiit pigisat pillugit inatsisiliornermi allannguutit §§ 2-mit 5-imut taaneqartut makku Kalaallit Nunaanni atuutilissapput:

1-imiit 8-mut. (peerneqassapput)

9. Akiitsut allagartaat pillugit inatsit nr. 145 apriilip 13-anni 1938-meersoq, inatsisikkut nr. 114 marsip 31-anni 1960-immersukkut allanguuteqartitaq.

**§ 2.** Pisassat juulip 1.-at 1965 sioqqullugu pilersitat pisoqanngussapput siusinnerpaamik juulip 1.-anni 1967.

-----

Peqqussut nr. 586 novembarip 19-ianni 1973-imeersoq (Akiliinngitsoornermi pillaatitut erniarititat qaffasissiiisa allanngorneri)<sup>2)</sup> makkuninnga atuutilernermi aamma ikaarsaariarnermi aalajangersagartaqarput:

§ 1. Inatsisini taagorneqartuni<sup>3)</sup> inatsit nr. 212 apriliip 26.-anni 1973-ikkut naammassineqartoq Kalallit Nunaanni atuutilerpoq.<sup>4)</sup>

§ 2. Akiliinngitsoornermi pillaatitut erniarititat qaffasissusii allannguutillit Kalallit Nunaani atuutilerput, akiliinissamut piffissaq atulerluni 1974-imiit imaluunniit kingusinnerusukkut.  
*Imm. 2. (peerneqarpoq)*

-----

Peqqussut nr. 350 juulip 14-iani 1980-imeersoq (isumaqatigiissuteqartarneq il.il. pillugit inatsit, kingusinnaarluni akiliineri il.il. erniat pillugit inatsit aamma atuisut pillugit inatsit ilaat)<sup>5)</sup> makkuninnga atuutilernermini aalajangersagartaqarpoq:

§ 1. Innuttaasunik pillaaarneq pillugu inatsimmi, isumaqatigiissutit il.il. pillugit inatsimmi (Aningaasarsiornermut aserorsaataasumik il.il. sulianik akerlilersuineq) § 5, imm. 3, nr. 250 juunip 12.-ani 1975-imeersumi aalajangersarneqarpoq isumaqatigiissutit pillugit inatsimmi, sillimasiisarnerit pillugit isumaqatigiissuteqartarnerit pillugit inatsimmi, akiitsut allagartaat pillugit inatsimmi, akilersuisarneq pillugu inatsimmi, sulisorisat nassaavi pillugit inatsimmi aamma atuakkiornermi eqqumiitsuliornermilu suliat inatsimmi taaneqartumi §§ 2-mi 4-milu piginneqqaartussaannermik inatsimmi Kalaallit Nunaanni atuutilerput oktobarip 1.-anni 1980.

*Justitsministeriami, septembarip 11-anni 2015.*

SØREN PIND

/ Helga Lund Laursen

Namminersorlutik Oqartussat  
Imaneq 4  
3900 Nuuk  
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut